



Rhaglen Ysgolion
Cofnod o Ymgysylltu â Dylanwadwyr Caerdydd
Neuadd y Ddinas
01 Mehefin 2023



Yn bresennol: Dylanwadwyr Caerdydd (12), Michele Duddridge Friedl (CTY), Ceri Tanti (CTY), Rhian Carbis (CTY), Cai Maxwell (CTY)

Sylwer: Nid trawsgrifiad yw'r canlynol, ond nodyn o'r cyfarfod a wnaed ar y pryd.

Sesiwn Grŵp Dylanwadwyr Caerdydd

Mae Dylanwadwyr Caerdydd yn grŵp o ddysgwyr ysgolion uwchradd Caerdydd sy'n llywio'r broses o wneud penderfyniadau ar gynllunio trefniadaeth ysgolion.

Cyfarfu deuddeg aelod o'r grŵp ar 01 Mehefin 2023 i drafod y newidiadau arfaethedig yn narpariaeth ysgolion cynradd sy'n gwasanaethu Cathays a rhannau o Gabalfa, Mynydd Bychan, Ystum Taf a Phlasnewydd.

Roedd y sesiwn yn cynnwys cyflwyniad o'r opsiynau arfaethedig, taith gerdded yn y gymuned (gan ddechrau ar safle Ysgol Mynydd Bychan, cerdded i safle Ysgol Gynradd Allensbank a cherdded oddi yno i safle Ysgol Gynradd Gladstone/Ysgol Gynradd yr Eglwys yng Nghymru Santes Monica cyn dychwelyd i Neuadd y Ddinas).

Dilynwyd hyn gan drafodaeth ar bwy fyddai'r newidiadau arfaethedig yn effeithio arnynt, a manteision ac anfanteision pob opsiwn. Yna gweithiodd y Dylanwadwyr mewn grwpiau i baratoi datganiadau yn nodi manylion eu barn ar y newidiadau arfaethedig.

Adborth Dylanwadwyr Caerdydd ar y newidiadau arfaethedig

Mae'r wybodaeth isod yn grynodedb o adborth y grŵp. Mae copïau o ddatganiadau adborth Dylanwadwyr Caerdydd wedi'u cynnwys ar ddiwedd y crynodeb.

Roedd naw o'r deuddeg Dylanwadwr yn ffafrio Opsiwn 1.

Roedd y sylwadau a wnaed yn cynnwys:

- Byddai gan bob ysgol ddarpariaeth feithrin sy'n fuddiol i'r gymuned.
- Gall sefydlu darpariaeth feithrin yn Ysgol Gynradd yr Eglwys yng Nghymru Santes Monica gynyddu'r tebygolrwydd y bydd rhieni'n anfon eu plant i'r ysgol.
- Byddai'n mynd i'r afael â'r diffyg yng nghyllideb y ddwy ysgol gynradd cyfrwng Saesneg (Ysgol Gynradd Allensbank ac Ysgol Gynradd Gladstone).
- Byddai Ysgol Mynydd Bychan yn tyfu i ddau ddosbarth mynediad gan ganiatáu i fwy o blant gael mynediad at addysg Gymraeg.
- Byddai ehangu Ysgol Mynydd Bychan yn cefnogi amcanion Cymraeg 2050.
- Gwerthfawrogydd bod cysylltiad emosiynol ag Ysgol Gynradd Allensbank ac Ysgol Gynradd Gladstone, ond byddai uno'r ddwy ysgol yn caniatáu darpariaeth gynaliadwy o leoedd cynradd cyfrwng Saesneg i wasanaethu'r ardal a chyfle i



Rhaglen Ysgolion
Cofnod o Ymgysylltu â Dylanwadwyr Caerdydd
Neuadd y Ddinas
01 Mehefin 2023



gyfuno diwylliannau'r ddwy ysgol, gan gryfhau cysylltiadau o fewn y gymuned leol.

- Gall ysgolion mwy o faint ddenu penaethiaid profiadol o safon ond deallir y gallai'r penaethiaid presennol gael eu diswyddo.
- Gall ysgol fwy o faint gynnig mwy o arbenigeddau gan fod mwy o staff ac ystod ehangach o weithgareddau allgyrsiol ar gael.
- Byddai ysgolion mwy o faint yn rhoi mwy o werth am arian, gellir gwario arian ar offer effeithiol, athrawon ac ati.
- Byddai cau Ysgol Gynradd Allensbank a Gladstone yn golygu bod staff yn colli eu profiad a'u gallu addysgu, ond mae'r Cyngor yn cynnig adleoli staff drwy roi cyfweiliadau iddynt yn yr ysgol cyfrwng Saesneg newydd ei ffurfio neu ar gyfer swydd arall sydd ar gael yn y ddinas.
- Mae cau Ysgol Gynradd Allensbank ac Ysgol Gynradd Gladstone yn rhoi'r Penaethiaid mewn perygl o gael eu diswyddo.
- Efallai y bydd diffyg parhad i rai o'r plant gan y byddai ysgol newydd yn trefnu staff yn wahanol a allai fod yn brofiad ansefydlog iddynt.

Ni chefnogwyd Opsiwn 2 gan unrhyw un o'r Dylanwadwyr, ac roeddent yn credu nad oedd llawer o fanteision i gynnal y gost o redeg dwy ysgol ar un safle; Yn ogystal, byddai sefyllfa diffyg Ysgol Gynradd Allensbank ac Ysgol Gynradd Gladstone yn parhau heb unrhyw ffordd glir o wella.

Cefnogwyd Opsiwn 3 gan dri o'r deuddeg Dylanwadwr.

Roedd y sylwadau a wnaed yn cynnwys:

Manteision:

- Mae'n caniatáu i Ysgol Gynradd Allensbank ddod yn ysgol un dosbarth mynediad (dau ddsbarth mynediad ar hyn o bryd gyda mwy o gyflenwad na'r galw) sy'n golygu na fydd yn colli arian mwyach. Mae ysgol gynradd Allensbank yn colli arian oherwydd ei bod yn talu am gyfleusterau adeilad 2 ddsbarth mynediad, a dim ond derbyn digon o fyfyrwyr am 1 dosbarth mynediad bob blwyddyn.
- Mae opsiwn tri yn achosi llai o darfu nag opsiwn un tra'n dal i gynnig manteision i'r ddwy ysgol gan gynnwys:
 - Ni fyddai unrhyw athrawon yn colli eu swydd.
 - Ysgol Gynradd Allensbank ac Ysgol Mynydd Bychan yw'r agosaf at ei gilydd rhwng y pedair ysgol. (Heddiw fe gerddon ni o Allensbank i Ysgol Mynydd Bychan ac fe gymerodd hi ddau funud i ni.)
 - Ni fyddai unrhyw newidiadau negyddol mewn cyflogau i unrhyw staff a byddai'r pennaeth yn Ysgol Mynydd Bychan yn ennill cynnydd sylweddol



Rhaglen Ysgolion
Cofnod o Ymgysylltu â Dylanwadwyr Caerdydd
Neuadd y Ddinas
01 Mehefin 2023



mewn cyflog. Ar ben hynny, byddai cyfleoedd gwaith newydd gyda'r opsiwn hwn sydd hefyd yn gofyn am Gymraeg.

- Yn olaf, efallai na fydd rhai rhieni, myfyrwyr ac aelodau'r gymuned o amgylch y pedair ysgol eisiau iddynt gau a chreu ysgol newydd. Gall yr ysgolion hyn olygu llawer iawn i aelodau'r gymuned a gallent frwydro yn erbyn cau'r ysgolion fel y cynigir yn opsiwn un

Anfanteision:

- Bydd dyled Ysgol Gynradd Allensbank yn parhau. Fodd bynnag, bydd yr adeilad llai yn caniatáu iddynt wella yn y pen draw, er y gallai hyn gymryd peth amser.
- Yn ogystal, bydd Ysgol Mynydd Bychan yn wynebu rhai anawsterau ar y dechrau oherwydd y nifer is o fyfyrwyr o gymharu â'r lle sydd ar gael. Ond oherwydd y galw am leoedd yn Ysgol Mynydd Bychan byddai'r diffyg dysgwyr yn llenwi.

Nod y newidiadau arfaethedig yw cynyddu nifer y lleoedd ysgolion cynradd cyfrwng Cymraeg sy'n gwasanaethu'r ardal. Mae'r newidiadau hefyd yn adlewyrchu'r heriau cyllidebol sy'n wynebu Ysgol Gynradd Allensbank ac Ysgol Gynradd Gladstone. Er y gallai fod heriau i Ysgol Mynydd Bychan yn y tymor byr o orfod cynnal adeilad mwy o faint tra bod y nifer yn tyfu, mae'r ysgol mewn sefyllfa ariannol dda.

Datganiadau Adborth Dylanwadwyr Caerdydd

Grŵp 1

Cynnig ar gyfer ad-drefnu ysgolion cynradd Cathays a Gabalfa

Rydym yn aelodau o Raglen Dylanwadwyr Ifanc Caerdydd (DC) a ffurfiwyd gan Gyngor Caerdydd ac rydym yn llunio dyfodol lleoedd a chyfleusterau addysg ar gyfer cenedlaethau nesaf Caerdydd.

Cyflwynodd Tîm Trefniadaeth a Chynllunio Ysgolion gynnis ysgolion Cynradd Cathays a Gabalfa i'r Dylanwadwyr. Gofynnwyd iddynt ystyried y cynigion ar gyfer yr ysgolion hyn wrth gerdded o amgylch yr ardal. Mae'r ysgolion, fel Ysgol Gynradd Allensbank ac Ysgol Gynradd Gladstone, yn cael eu hystyried mewn perthynas â newidiadau fydd yn effeithio'n fawr ar y gymuned ac a fydd o bosibl, yn achosi llawer o ddadlau o fewn cymdeithas.

Mae'r mwyafrif helaeth o'r Dylanwadwyr (9 o'r 12 presennol) yn credu'n gryf y dylem ddewis Opsiwn 1 oherwydd ei fod yn ddewis mwy cadarn gan ei fod yn fwy addas a phriodol i'r gymuned ac i ardal Cathays a Gabalfa nag Opsiynau 2 a 3.



Rhaglen Ysgolion
Cofnod o Ymgysylltu â Dylanwadwyr Caerdydd
Neuadd y Ddinas
01 Mehefin 2023



Yn gyntaf, byddai gan bob ysgol ddarpariaeth feithrin, sy'n fuddiol i'r gymuned. Yn ail, trwy wthio'r ysgolion cynradd mwyaf bregus yn ariannol at ei gilydd byddai'n datrys yr holl brif broblemau gan y byddai'n dileu eu diffyg. Mae'r Dylanwadwyr yn cynnig cyfuno ysgolion cynradd Allensbank a Gladstone yn ysgol gyhoeddus fwy o faint. Gan fod eu refeniw presennol yn eithaf isel, byddem yn talu'r holl ddyledion sydd gan yr ysgolion yn sgil Covid a chwyddiant.

Fel rhan o'r opsiwn hwn, byddai Ysgol Santes Monica'n adleoli i safle Ysgol Mynydd Bychan a byddai Ysgol Mynydd Bychan yn adleoli i safle Allensbank. Drwy wneud hyn, byddai Ysgol Mynydd Bychan yn dod yn ysgol dau ddsbarth mynediad a gobeithio y bydd yn denu mwy o fyfyrwyr i ysgol Gymraeg. Bydd hyn yn atal rhieni rhag cael gwrthod lle yn eu hysgol dewis cyntaf ac yn cefnogi strategaeth Cymraeg 2050 y Llywodraeth sy'n anelu at gael miliwn o siaradwyr Cymraeg erbyn 2050.

Mae'r Dylanwadwyr yn deall bod yr opsiwn hwn braidd yn amhoblogaidd, gan ei fod yn dileu hunaniaethau Gladstone ac Allensbank. Mae gan lawer o bobl yn y gymuned ymlyniad emosiynol â'r ysgolion hyn ond dyma sy'n angenrheidiol i sicrhau bod gan yr ysgolion sy'n cael eu hystyried i'w cyfuno ryw fath o etifeddiaeth a fydd yn goroesi yn lle gorfod delio'n gyson â'r pwysau o fod â dros £30,000 o ddyled a gorfod ei dalu'n ôl. Rhywbeth a fydd yn sicr yn cymryd dros ddegawd i'w gyflawni.

Yn ogystal â hyn, bydd ysgolion mwy o faint yn denu penaethiaid profiadol o safon oherwydd y byddant yn talu cyflog mwy iddynt. Mae hyn yn golygu bod mwy o arian yn cael ei dalu i'r ysgol i atal gorddrafft. Byddai'r corff llywodraethu yn gefnogol gan y bydd y Cyngor yn buddsoddi mwy o arian i'r ysgol a fydd o fudd yn y tymor hir. Rwy'n deall y bydd effeithiau negyddol gan y byddai penaethiaid y ddwy ysgol yn cael eu diswyddo, ond byddai pennaeth mwy profiadol yn arbed ac yn cefnogi'r ddwy yn y pen draw.

I gloi, mae'r Dylanwadwyr yn gobeithio y bydd eu barn yn cyfrannu at eich penderfyniad terfynol.

Grŵp 2

Cynnig ar gyfer ad-drefnu ysgolion cynradd Cathays a Gabalfa

Roedd deuddeg o Ddylanwadwyr Caerdydd yn ystyried Cynigion Ysgolion Cynradd Cathays a Gabalfa.

O'r rhain roedd 9 yn ffafrio Opsiwn 1.

Mae'n werth nodi na chefnogwyd Opsiwn 2 gan unrhyw un o'r Dylanwadwyr Ifanc. Cytunwyd nad oedd llawer o fuddion gan fod costau rhedeg dwy ysgol ar un safle. Yn ogystal, byddai dyled [diffyg] Allensbank a Gladstone yn parhau heb unrhyw ffordd glir o adfer.



Rhaglen Ysgolion
Cofnod o Ymgysylltu â Dylanwadwyr Caerdydd
Neuadd y Ddinas
01 Mehefin 2023



Ar ôl archwilio'n ofalus, roedd ein grŵp (3 allan o 12 Dylanwadwyr Caerdydd yn bresennol) yn ffafrio Opsiwn 3 o Gynigion Ysgolion Cynradd Cathays a Gabalfa yn lle'r ddau opsiwn arall.

Opsiwn tri oedd symud Ysgol Gynradd Allensbank i safle Ysgol Mynydd Bychan a symud Ysgol Mynydd Bychan i safle Ysgol Gynradd Allensbank. Yn yr opsiwn hwn, byddai gan Ysgol Gynradd Allensbank adeilad sy'n addas ar gyfer y galw a byddai Ysgol Mynydd Bychan yn gallu cyrraedd nifer bosibl o ddisgyblion trwy symud i adeilad ysgol a all gynnig dau ddsbarth mynediad. Ni fyddai unrhyw newidiadau yn cael eu gwneud i Ysgol Gynradd Santes Monica nac Ysgol Gynradd Gladstone.

Manteision Opsiwn 3:

- Mae'n caniatáu i Ysgol Gynradd Allensbank ddod yn ysgol un dosbarth mynediad (dau ddsbarth mynediad ar hyn o bryd gyda mwy o gyflenwad na'r galw) sy'n golygu na fydd yn colli arian mwyach. Y prif rheswm pam y mae Ysgol Gynradd Allensbank yn colli arian yw oherwydd ei bod yn talu am gyfleusterau adeilad 2 ddsbarth mynediad, a dim ond yn derbyn digon o fyfyrwyr am 1 dosbarth mynediad bob blwyddyn.
- Mae opsiwn tri yn achosi llai o darfu nag opsiwn un tra'n dal i gynnig manteision di-ri i'r ddwy ysgol gan gynnwys:
 - Ni fydd unrhyw athrawon yn colli eu swydd.
 - Ysgol Gynradd Allensbank ac Ysgol Mynydd Bychan yw'r agosaf at ei gilydd rhwng y pedair ysgol. (Heddiw fe gerddon ni o Allensbank i Ysgol Mynydd Bychan ac fe gymerodd hi ddau funud i ni).
 - Ni fyddai unrhyw newidiadau negyddol mewn cyflogau i unrhyw staff a byddai'r pennaeth yn Ysgol Mynydd Bychan yn ennill cynnydd sylweddol mewn cyflog. Ar ben hynny, byddai cyfleoedd gwaith newydd gyda'r opsiwn hwn sydd hefyd yn gofyn am Gymraeg.
 - Yn olaf, efallai na fydd rhai rhieni, myfyrwyr ac aelodau'r gymuned o amgylch y pedair ysgol eisiau iddynt gau a chreu ysgol newydd. Mae'n syndod efallai, ond gallai'r ysgolion hyn olygu llawer iawn i aelodau'r gymuned a byddent yn brwydro yn erbyn cau'r ysgolion fel yr hyn a gynnigir yn opsiwn un.

Anfanteision:

- Bydd dyled Allensbank yn parhau. Fodd bynnag, bydd yr adeilad llai yn caniatáu iddynt wella yn y pen draw, er y gallai hyn gymryd peth amser.



Rhaglen Ysgolion
Cofnod o Ymgysylltu â Dylanwadwyr Caerdydd
Neuadd y Ddinas
01 Mehefin 2023



- Yn ogystal, bydd Ysgol Mynydd Bychan yn wynebu rhai anawsterau ar y dechrau oherwydd y nifer is o fyfyrwyr o gymharu â'r lle. Fodd bynnag, oherwydd y galw am leoedd yn Ysgol Mynydd Bychan, byddai'r diffyg myfyrwyr yn llenwi.

O ystyried yr holl opsiynau, gellir nodi'r manteision a'r anfanteision. Mae'r holl opsiynau yn dymuno dod â blaenoriaeth i'r dysgwyr drwy gynyddu'r lle yn Ysgol Mynydd Bychan a'u newid o fod yn ysgol un dosbarth mynediad i ysgol dau ddosbarth mynediad, gan gynyddu cyfanswm y lleoedd yn yr ysgol.

Gobaith y cynnig hwn yw cynyddu'r cyflenwad gan fod y galw am ysgol Gymraeg yn yr ardal hon yn uchel ac mae llawer o rieni sy'n gwneud cais am le yn yr ysgol yn cael gwrthod lle. Gall hyn hefyd gael effaith gryfach gan greu ysgolion cyfrwng Cymraeg niferus yng Nghaerdydd. Mae hyn hefyd yn helpu nod cenedlaethol Cymru i gael miliwn o siaradwyr Cymraeg, sef Cymraeg 2050. Cynyddu capasiti'r ysgol fyddai'r cam cyntaf yn y cyfeiriad cywir.

Mae'r holl opsiynau hefyd yn cydnabod na all Ysgol Gynradd Allensbank barhau i redeg fel y mae ar hyn o bryd. Rhaid iddi naill ai gau, neu newid er mwyn parhau i redeg a chlirio ei dyled bresennol. Bydd unrhyw un o opsiynau'r cynnig yn helpu'r ysgol hon i gau a chlirio'r ddyled neu symud yr ysgol i adeilad a all hwyluso ei galw.

Gellir dweud yr un peth ar gyfer Ysgol Gynradd Gladstone gan ei bod mewn gorddrafft ym mis Mehefin 2023. Nid yw aros fel y status quo yn opsiwn hyfyw yn ein barn ni.

Fodd bynnag, rydym wedi sylwi y gallai'r risg o gynyddu'r cyflenwad ar gyfer Ysgol Mynydd Bychan a chael llai o fyfyrwyr na lleoedd am gyfnod byr fod yn anfantais bosibl. Fodd bynnag, ni ddylai hyn beri pryder gan mai Ysgol Mynydd Bychan yw'r ysgol fwyaf parod gan fod ganddi lawer o arian [balans dros ben wedi ei gadw].

Grŵp 3

Cynnig ar gyfer ad-drefnu ysgolion cynradd Cathays a Gabalfa

Roedd mwyafrif aelodau rhaglen Dylanwadwyr Ifanc Caerdydd a oedd yn bresennol (9 allan o'r 12 dylanwadwr) o blaid Opsiwn 1.

Roedd hyn yn golygu cau ysgolion cynradd Allensbank a Gladstone a chreu ysgol newydd yn ei lle, tra hefyd yn ailgyfeirio myfyrwyr Santes Monica i safle Mynydd Bychan ac i'r gwrthwyneb.

Byddai'r newidiadau arfaethedig yn cynyddu dosbarth mynediad i ysgol cyfrwng Cymraeg (Ysgol Mynydd Bychan) yn ogystal â rhoi darpariaeth feithrin i Santes Monica. Bydd y feithrin yn creu cwlwm rhwng y gymuned a'r ysgol, gan gynyddu'r



Rhaglen Ysgolion
Cofnod o Ymgysylltu â Dylanwadwyr Caerdydd
Neuadd y Ddinas
01 Mehefin 2023



tebygolrwydd y bydd rhieni'n dewis anfon eu plant i Santes Monica ar gyfer addysg gynradd.

Yn amlwg mae Mynydd Bychan yn ysgol boblogaidd. Oherwydd ei henw da hirsefydlog, mae'n wynebu galw sy'n fwy na nifer y lleoedd sydd ar gael. Bydd symud yr ysgol i safle Allensbank (sydd â thir mwy o faint) yn caniatáu i Fynydd Bychan ehangu. Byddai ehangu ysgol gynradd cyfrwng Cymraeg yn cyd-fynd â'r genhadaeth genedlaethol a gyhoeddwyd gan weinidog addysg Cymru, Jeremy Miles; mae'n anelu at hybu'r Gymraeg yn ein gwlad, gan nodi bod 'Cymraeg yn perthyn i bob un ohonom'.

Ar ben hynny, byddai cau Allensbank a Gladstone er mwyn ffurfio ysgol newydd yn clirio'r holl ddyledion [diffygion] blaenorol sydd ynghlwm wrth y sefydliadau. Gallai arian hefyd gael ei ddefnyddio'n synhwyrol ac yn fwy effiethlon gan bob ysgol sy'n ymwneud â'r symud. Ar hyn o bryd mae gan ardal Cathays a Gabalfa bedair ysgol gynradd gydag un dosbarth mynediad neu lai. Trwy weithredu Opsiwn 1 byddai tair ysgol yn cael eu ffurfio, a byddai dwy ohonynt yn ysgolion dau ddosbarth mynediad. Bydd mwy o arbenigeddau yn yr ysgol gan fod mwy o staff ar gael a bydd ystod ehangach o weithgareddau allgyrsiol ar gael.

Byddem yn disgwyl iddynt ddarparu gwell gwerth am arian, a gellir gwario arian ar offer effeithiol, athrawon ac ati.

Byddai gan yr ysgolion y capasiti ar gyfer 60 o fyfyrwyr yn hytrach na'r 30 presennol.

Byddai cau Allensbank a Gladstone yn anfantais i'r rhai sydd â rolau addysgu fel staff. Byddent yn cael eu diswyddo ac o bosibl yn colli eu profiad a'u gallu addysgu. Fodd bynnag, bydd y cyfleoedd adleoli a gynigir gan y Cyngor yn rhoi cyfweiliadau i athrawon ar gyfer yr ysgol cyfrwng Saesneg newydd ei ffurfio neu ar gyfer swyddi eraill sydd ar gael yn y ddinas.

Yn y bôn, gallai opsiwn un ddileu'r cymunedau a hanes y ddwy ysgol hyn. Bydd amser i alaru'r golled hon, fodd bynnag, mae agor yr ysgol newydd yn gyfle i gyfuno diwylliannau'r ddwy ysgol, gan gryfhau'r cysylltiad o fewn y gymuned leol.

Grŵp 4

Cynnig ar gyfer ad-drefnu ysgolion cynradd Cathays

Ystyriodd Dylanwadwyr Caerdydd y cynigion ar gyfer darparu lleoedd ysgolion cynradd i wasanaethu Cathays a rhannau o Gabalfa.

Cafodd tri opsiwn eu cynnig a'u nodi yn y ddogfen ymgynghori. O'r 12 Dylanwadwr a gyfarfu i ystyried y cynigion hyn, roedd y mwyafrif (9) yn ffafrio Opsiwn 1.



Rhaglen Ysgolion
Cofnod o Ymgysylltu â Dylanwadwyr Caerdydd
Neuadd y Ddinas
01 Mehefin 2023



Y rheswm am hyn yw ei fod yn bodloni mwy o'r amcanion ac ar ôl mynd am dro o amgylch yr ardal ac ystyried yr holl wybodaeth sydd ar gael, roeddem yn teimlo mai dyma'r un gorau i'r plant a'r teuluoedd ar draws yr ardal. Mae ein safbwyntiau wedi'u nodi'n fanylach isod.

Mae Allensbank a Gladstone ill dau mewn [diffyg] ac mae ganddyn nhw lawer o ddyled sy'n ei gwneud hi'n anodd gwneud penderfyniadau gwario. Pe bai'r ddwy ysgol yn cael eu cau ac ysgol dau ddsbarth fynediad newydd yn agor yn eu lle byddai'r ysgol cyfrwng Saesneg yn cael ei rhyddhau o ddyled ac felly yn y dyfodol, gallant ddechrau eto a gwario arian ar addysg a staff o safon heb boeni am sut i dalu'r arian a fenthycwyd yn ôl.

Ar ben hynny, byddai ysgol gynradd cyfrwng Cymraeg Ysgol Mynydd Bychan yn trosglwyddo i safle Allensbank a fyddai'n caniatáu i Fynydd Bychan ddod yn ysgol cyfrwng Cymraeg dau ddsbarth mynediad er mwyn caniatáu i fwy o blant lleol fynd i'w hysgol leol.

Yn ogystal, mae gan ysgolion dau ddsbarth mynediad fwy o athrawon a all arwain at fwy o gyfleoedd i athrawon ddysgu oddi wrth ei gilydd a gallant helpu athrawon newydd wrth iddynt ddechrau.

Yn olaf, byddai gan Ysgol Gynradd yr Eglwys yng Nghymru Santes Monica fwy o le pe byddent yn trosglwyddo i safle Ysgol Mynydd Bychan a byddai hyn yn golygu y byddent yn gallu agor dosbarth meithrin.

Fodd bynnag, roedd rhai anfanteision o hyd i opsiwn 1. Er enghraifft, bydd dau bennaeth Allensbank a Gladstone yn colli eu swydd gan y bydd y ddwy ysgol yn cau a dim ond lle i un pennaeth fydd.

Hefyd, efallai y bydd diffyg parhad i rai o'r plant gan y byddai'r ysgol yn trefnu staff yn wahanol a allai fod yn brofiad ansefydlog iddynt.

Yn ogystal, bydd Allensbank a Gladstone yn colli eu hunaniaeth fel ysgolion, a gallai gymryd amser i feithrin cysylltiadau rhwng staff newydd a rhieni/disgyblion.

Ar y cyfan, mae manteision ac anfanteision i opsiwn 1, ond mae'r rhan fwyaf o Ddylanwadwyr Caerdydd [sy'n bresennol heddiw] yn credu bod y manteision yn trechu'r anfanteision ar y cyfan.

Am y rheswm hwn, dewisodd y rhan fwyaf o'r Dylanwadwyr Opsiwn 1.